

*Segun e Parlamentario. Jeffrey
Kelly di AVP*

“Mester enfoca mas riba e contenido di enseñansa”

ORANJESTAD –
Segun Parlamentario
Jeffrey Kelly
di Arubaanse
Volkspartij (AVP)
mester enfoca mas
riba e contenido di
enseñansa. E par-
lamentario nobo cu
a huramenta ayera
mainta a bisa BON
DIA ARUBA cu bon



trabou a wordo haci den e ultimo 4 añanan pa loke ta trata ense-
ñansa, pero awo mester enfoca mas riba e contenido.

MAS CALIDAD

Kelly a bisa cu awo e lo forma parti di un comision di enseñansa
cu durante e proximo 4 año lo representa pueblo den parlamento.
“Enseñansa tin hopi reto, ultimo tempo e tabata edificionan cu a
wordo drecha durante e ultimo 4 añanan pero mi ta kere cu e prox-
imo 4 añanan mester enfoca mas riba e contenido di enseñansa.
Cuminsando for di scolnan basico bay ariba pa asina trece un
enseñansa di mas calidad pa nos muchanan, teniendo na cuenta
e importancia di enseñansa cu ta e pilar di bo pais”, Kelly a bisa.

ASUNTONAN SOCIAL

E parlamentario nobo cu tin bastante año di experiencia riba e
tereno aki ta remarca cu enseñansa hunto cu asuntonan social ta
dos carter a hopi importante y lo bay pone hopi énfasis riba dje
pa e proximo 4 añanan aki pa sigura cu tin un pueblo educa cu
na su turno, lo duna su fruta den turismo, financia y asuntonan
general na Aruba. “Enseñansa ta costa placa y tin mester mas
inversion sin embargo mester wak unda tin espacio pa esaki”,
Kelly a remarca.